

فهو رد

أمجد سمير

السلام عليكم ورحمة الله وبركاته درس سادس من آآ السلسلة بتاعتنا طبعا احنا كنا الاول اسمها اهتمام مواسم الطاعة او اهتمام مواسم الطاعات نصيحتي يعني بتغيير اسمها عشان تبقى الاسم معبر اكثر على محتوى السلسلة. اه - [00:00:00](#)

ان احنا نخليها اسمها قواعد قواعد السير الى الله تعالى الحقيقة هو ده فعلا موضوع موضوع الدروس بتاعتنا هنا ان احنا بنزكر قواعد ما ينفعش تبقى يعني في طريقك الى الله عز وجل من غير ما تحرز هذه القواعد - [00:00:19](#)

آآ بقى لنا دارسين في المية الحقيقة كنت اه كان مقرر اداء الدرس التالت في النية لكن عشان بقى ما الموضوع طال يعني مع ان في كلام كتير في ان هي لسه محتاجين نقوله - [00:00:39](#)

لكن ممكن نبقي نقوله بعد كده تباعا في اسناء الدروس يعني فالنهاردة هندخل على قاعدة جديدة من قواعد سير الله عز وجل وهي قول النبي صلى الله عليه وسلم من عمل عملا ليس عليه امرنا فهو رد - [00:00:52](#)

او في رواية تانية لم احدث في امرنا هذا ما ليس منه فهو رد ده حديث عائشة رضي الله عنها لو تفتكروا يا جماعة النية احنا كنا بنتكلم بنقوس حول حديث عمر رضي الله عنه انما الاعمال بالنيات وانما لكل امرئ ما نوى الى اخر الحديث حديث مشهور ومعروف - [00:01:05](#)

اه وده حديث عائشة. من عمل عملا لسه ليس عليها امرنا فهو رد. ومن احدث في امرنا هذا ما ليس منه فهو رد لو جمعنا الحديثين دول مع حديث تالت حديث النعمان ابن بشير - [00:01:21](#)

آآ ان الحلال بين وان الحرام بين وبينهم امور مشتهات الى اخر الحديث ولعلنا نقف معه ان شاء الله بعد كده التلات احاديث دول الامام احمد بن حنبل قال هذه الاحاديث الثلاثة عليها مدار الدين - [00:01:32](#)

الدين كله في التلات احاديث دول طيب ازاى الدين يعني الاحكام حلال وحرام. وده في حديث النعمان ابن بشير. ان الحلال بين وان الحرام بين. طيب هتدخل تعمل حاجة في الدين. امر من امور الدين. حاجة ربنا امرك بها - [00:01:45](#)

ففي ميزانين بهما الاعمال وانت بتعمل اي حاجة في دينك في ميزانين يا جماعة لابد انك تزن العمل ده بالميزانين لاني لو ميزان واحد فيهم اختل العمل ده لن يقبل - [00:02:02](#)

ودي الخطورة الميزان الاول ميزان باطن. الميزان الثاني ميزان ظاهر ايه ميزان الباطن النية؟ الاخلاص. هو انا في العمل ده كنت عاوز ربنا ولا عاوز غير ربنا؟ مخلص ولا مرائي؟ وده في حديث عمر. يبقى تاني الدين حلال وحرام حديث ان عمر ابن بشير ان - [00:02:19](#)

طيب دخلنا بقى نشتغل يبقى فيه ميزانين. ميزان باطن النية الاخلاص الرياء اخلاص ولا رياء يعني تحت حديث عمر انما الاعمال بالنيات وانما لكل امرئ ما نوى. وميزان زاهر الميزان الظاهر اللي هو العمل ده موافق للسنة ولا لا؟ متبع فيه النبي ولا لا؟ عليه الصلاة والسلام. وده حديث عائشة من عمل عملا ليس عليها امرنا فهو رد او من احدث في امرنا هذا - [00:02:36](#)

ما ليس منه فهو رد طيب الميزانين دول آآ لو لاحظنا هنلاقيهم هم ركني الشهادة الشهادة اللي بتخش بها في دين ربنا سبحانه وتعالى في دين الاسلام هم دول الركنين - [00:02:58](#)

ركنين الشهادة هم الشرطين دول. او الميزانين دول. اللي هم ايه؟ اشهد ان لا اله الا الله. واشهد ان محمدا رسول الله اشهد ان لا اله الا الله يعني لا معبود بحق الا الله - [00:03:14](#)

فده مقتضاه الاخلاص له سبحانه وتعالى وعدم صرف العبادة لغيره سبحانه وتعالى. يبقى نيتك ربنا سبحانه وتعالى واشهد ان محمدا رسول الله وده مقتضاه. الاتباع انك لا تتبع غير النبي صلى الله عليه وسلم. يبقى لا متبوعة بصدق الا رسول - [00:03:24](#)

الا رسول الله صلى الله عليه وسلم الركنية الايه؟ الشهادة وهما آ شرط قبول العمل الميزانين دول ميزان باطن حديس عمر الميزان ظاهر حديس عائشة. طيب عائشة تقول ان النبي صلى الله عليه وسلم قال من عمل عملا ليس عليه امرنا - [00:03:43](#)

فهو رد فهو رد يعني مردود عليه غير مقبول منه فده حاجة تانية اهي تبتي تقلقك. ايه ده! يعني انا ممكن ابقى مخلص في العمل والعمل لا يقبل؟ اه طب انا ممكن ابقى مخلص في العمل ونيتي خير. آ يعني انا مخلص ربنا سبحانه وتعالى ونيتي اناي اعمل نيتي خير. ما نيتيش حاجة وحشة - [00:03:59](#)

والعمل ربنا سبحانه وتعالى ما يقبلوش ده مش بس كده العمل لا يقبل تاخذ وزر ايه ده! يعني انا اطيع ربنا واخذ وزر! هنقول لك لا ما هو انت في دماغك في خيالك انك قطعت. لكن انت ما قطعتش - [00:04:22](#)

ازاي ما قطعتش؟ ما قطعتش عشان ما اتبعتش مفهومة دي؟ طيب ازاي؟ تعالوا نبدا بحديث علشان آ دائما انا ايه بحب ايه ادخل دخلات صادمة كده علشان نفهم الموضوع النبي عليه الصلاة والسلام لأول مرة - [00:04:38](#)

ثلاثة جم للنبي عليه الصلاة والسلام ما كنش موجود اسألوا عائشة عن عبادة النبي صلى الله عليه وسلم آ عبادته شكلها ايه؟ يعني ثلاثة يعني بعد عنه عليه الصلاة والسلام قرب مش يعني مش متابعين احواله المشرفة صلى الله عليه وسلم فاسألوا عائشة - [00:04:57](#)

هي بنت النبي صلى الله عليه وسلم كان شكلها ايه؟ فحكت لهم عبادته تقول الرواية فكأنهم تقالوها. يعني حسوا ان العبادة دي قليلة وقالوا هو رجل غفر له ما تقدم من ذنبه. يعني راجل مغفور له. بيعبد عبادة. فقال احدهم لله علي ان اقوم فلا ارقد. هقوم - [00:05:13](#)

الليل كله مش هناك خالص طول حياتي المقال الثاني لله علي ان اصوم فلا افطر هصوم الضهر كله مش هفطر خالص وقال الثالث لله علي الا اتزوج النساء. يعني هيترهن يترك الزواج ويترهبن - [00:05:33](#)

آ فاتي النبي عليه الصلاة والسلام فاخبرته عائشة. والله يبقى فيه ثلاثة جم قالوا كذا فقلت لهم كذا فردوا بكذا فغضب النبي صلى الله عليه وسلم قبل ما نكمل الحديس غضب النبي صلى الله عليه وسلم. يا جماعة ده الناس ده الناس قالت هنعبد ربنا - [00:05:50](#)

تالت هنعبد ربنا واحد هيقوم وواحد هيصوم وواحد مش هيتجوز عشان يتفرغ للعبادة فغضب النبي صلى الله عليه وسلم غاضب ليه؟ هي الناس دي مسلا كانت مرائية كانت آ لا لا - [00:06:10](#)

امال الناس دي كانت ايه؟ فين المشكلة؟ المشكلة مش في النية. المشكلة مش في الميزان الباطن. المشكلة في الميزان الظاهر اللي هو الاتباع غضب النبي صلى الله عليه وسلم وخرج وصعد المنبر - [00:06:22](#)

الصلاة جامعة عشان الناس تيجي. تمام اجتمعوا القوم قال ما بالوا اقوام يقولون كذا وكذا الا اناي اقوم وانام واصوم وافطر واتزوج النساء. ها من رغب عن سنتي فليس مني - [00:06:34](#)

ايه رأيكم يبقى هنا فين الشرط اللي اختل في العبادة بتاعتهم شرط الاتباع شرط الاتباع. هنعرف بعد شوية ان الاتباع لازم يكون في حاجة من ست. الاتباع لازم يكون في ست حاجات - [00:06:50](#)

ولو حاجة واحدة اختلت يبقى فيه مشكلة وتبقى انت كده مش مبتبع منها القدر والكيفية زي دول كده خلي بالكوا بقى عند الصحابة برضو لكن بيتعلموا يعني لان الصحابة عايشين وقت النبي عليه الصلاة والسلام فدول صحابة. خلاص؟ طبعا الصحابة ما هماش كلهم درجة واحدة. لكن ما زالوا لهم شرف الصحة - [00:07:03](#)

ووقعوا في ده طيب يبقى احنا المشكلة هنا كانت في ترك الاتباع. مش ترك الاخلاص هم آ يعني لم يتهموا في اخلاصهم ولا في نيتهم لكن المشكلة هنا في ان هم آ - [00:07:24](#)

لم يتبعوا النبي عليه الصلاة والسلام الالية التي هي اصل في الاتباع هي قول الله عز وجل قل ان كنتم تحبون الله فاتبعوني يحببكم

الله ويغفر لكم ذنوبكم هي اصلا يا جماعة في الاتباع - 00:07:39

ودي علامة فارقة نفرق بينها بين اللي فعلا محب لربنا ومحب للنبي صلى الله عليه وسلم من المدعي عارفين يا جماعة عندنا في من القواعد الفقهية وهي حديث قوله صلى الله عليه وسلم البينة على من ادعى - 00:07:57

كثير بيسمعه. يعني ايه البيان على من الدعم؟ عارفين يا جماعة لو اي حد هياخد بدعواه يعني واحد ماشي يقول ايه؟ والله فلان ده سرق مني فلوس. انا عاوز الالف جنيه بتاعتي - 00:08:12

لو كل واحد هيقول كلام زي ده ندي له كانت الدنيا خربت طب الشرع بيقارن ده ازاى يقول لك الباقي على من الداعية يعني انت بتدعي ان فلان ده سرق منك هات بينة - 00:08:22

والا لم تقبل دعوتك خلاص. انت كده ما عكش بينة طيب ابن القيم يقول ايه بقى زعم قوم محبة الله ما ابتلاههم بهذه الاية ناس بتزعم بتقول احنا بنحب ربنا. الناس بتقول احنا بنحب النبي عليه الصلاة والسلام. كلنا بيقول ده - 00:08:32

يعني انت لو جيت وقفت اي واحد مسلم ماشي في الشارع قلت له انت تحب ربنا؟ هيقول لك لا ما بحبوش طب انت بتحب النبي يقول لك لا ما بحبوش - 00:08:50

كله بيزعم ده وكل يدعي وصلا بليلة وليلة لا تقر لهم بذاك طيب فين بقى بينتك؟ دي دعوة والدعوة تفتقر الى بينة. فين بينتك؟ الاية دي قل ان كنتم تحبون الله - 00:08:58

فاتبعوني يحبكم الله فاتبعوني اتبعوني بقى في ايه؟ هنجيبه كمان شوية ونعرف نتابع في ايه. لكن دي حاجة فاصلة اهو اللي بيحب بيتبعه حتى في قوانين الدنيا يعني تخيل كده واحد بيزعم انه بيحبك. آآ - 00:09:13

او واحدة بتزعم انها بتحبك او لو وزوجة فهو بيزعم وهي يعني حد بيحب حد. واحد بيقول انا بحب حد وكل ما يأمره بحاجة يخالفه حب ايه ده ده مش صادق - 00:09:34

اللي بيحب حد بيطيعه اللي بيحب حد بيكتسي به طيب يا جماعة الكلام ده آآ يعني يمكن الدرس النهاردة ما هواش درس ايه يعني يخاطب القلوب لكن درس مهم جدا لاني زي ما قلت لكم كده. انت ممكن تأتي باعمال يوم القيامة - 00:09:49

فتجعلها تجدها هباء منثورا. عياذا بالله ليه؟ لانها فقدت شرط الاتباع وده شئ مربح قلها لنا قلها لنا بالاسرين اعمالا. الذين ظل سعيهم في الحياة الدنيا وهم يحسبون انهم يحسنون صنعا - 00:10:06

يبقى انت جاي مؤمن اعمال فتجد منها اللي راح هباء منصور ليه ما كنتش مخلص فيه وده اتكلمنا عليه. تجد بقى اعمال انت متأكد انك كنت مخلص يعني مش متأكد يعني لكن آآ غالب ظنك في الدنيا انك كنت مخلص - 00:10:21

في هذا العمل وتريد وجه الله تجد برضه هباء منثورا ليه؟ انت ما اتبعتش النبي عليه الصلاة والسلام. فعلت الفعل على غير السنة وقعت في البدعة وقعت في المخالفة فتجد العمل هباء منثورا. يا جماعة النبي غضب غضب من ناس - 00:10:34

بتقول هقوم وهصوم ومش هتجوز عشان اتفرغ للعبادة فالامر الامر مش سهل يبقى اول حاجة الاتباع دليل على صدق المحبة الاتباع دليل على صدق المحبة والامام الشافعي رحمه الله كان له قول جميل قوي في الاية دي او قول مطلق يعني بعضهم يرويه كده وبعضهم يرويه كده. ان وصله قولي عن الليث ابن سعد والليث كان فقيه - 00:10:54

ان لازم يقول اذا رأيت الرجل يمشي على الماء فلا تسلموا له او فلا تتبعوه. حتى تعرضوا امره على هذه الاية اه قل ان كنتم تحبون الله فتبينوا يحبكم الله. او في رواية بقى ان يقال الليث فلا تتبعوه حتى اه تروا اتباعه للكتاب والسنة - 00:11:25

لو وصل القول ده للامام الشافعي ان ليس بيقول كده بيقول لو شفت واحد ماشي على المية يعني ما شاء الله يعني يعني له كرامة يعني عنده كرامات واحد بيدع له من اولياء الله الصالحين وعنده كرامة ايه كرامتك انا بمشي - 00:11:48

فلما وصل القول للشافعي قال قصر والله الليث يعني ايه لا لسة ثم قال الشهيد بل لو رأيت الرجل يطير في الهواء فلا تتبعوا حتى تعرض امره على هذه الاية قل ان كنتم تحبون الله فاتبعوني يحبكم الله - 00:11:58

اه طيب الاتباع اتباع النبي صلى الله عليه وسلم سبب في دخول الجنة الحديث كل امتي يدخلون الجنة الا من ابى قالوا من يأبى يا

رسول الله كل امتي يدخلون الجنة. خلي بالكم النبي يقول كل الامة يدخل الجنة الا من ابى الا اللي مش عاوز. اللي مش هيدخل الجنة مش هيدخل - [00:12:21](#)

اللي رفض يدخل الجنة. قالوا له ايه ده هو مين يرفض يدخل الجنة؟ قال من اطاعني دخل الجنة ومن عصاني فقد ابى اللي مش هيتبع هو ده اللي قبل دخول الجنة - [00:12:42](#)

هيبقى بوابة الجنة كده يا جماعة اتباع النبي عليه الصلاة والسلام طيب وعشان كده احنا آآ قلنا يبقى الاتباع ده شيه مهم طيب انا هتبع ازاي؟ مش هتعرف طول ما انت جاهل - [00:12:55](#)

ليه؟ لان الاتباع ده انتم عارفين الاخلاص لما نيجي آآ نكلمك في الاخلاص يعني احنا اتكلمنا في الاخلاص مسلا وفي النية المرة اللي قبل اللي فانت والمرة اللي فانت كان في كلام على النية هتلاقونا كنا بنكلم القلوب - [00:13:13](#)

احنا لازم ايه يعني نزود ايمانيتنا شوية طيب الاتباع هنكلم ايه يعني انا مخاطب القلب الحقيقة هو لكن في حاجة تانية لازم نعملها وهي ان احنا نتعلم احنا دلوقتي بنتكلم بقى العقول شوية - [00:13:23](#)

يا جماعة لازم نتعلم ديننا ما فيش عذر عندك انك ما تعرفش دينك. ما فيش عذر عندك يوم القيامة تخيلوا كده يا جماعة يعني مسلا انا هقول لكم مسال عشان يعني تستشعر الرعب اللي احنا فيه - [00:13:36](#)

اللي ممكن نكون بنعرض نفسنا له تخيل كده ان حضرتك وصلت مسلا اه عندك عشرين سنة ثلاثين سنة اربعين سنة اكثر اقل وبتتوضا غلط. اقصد بتتوضا غلط يعني وضوء باطل - [00:13:51](#)

لانه فقط الى انه فقد ركن او شرط فصار الوضوء باطلا باطل فبالتبعية الصلاة باطلة انت متخيل انت فين يوم القيامة انا اقصد اسكت عشان تتخيل انت متخيل انك هتيجي يوم القيامة برنا سبحانه وتعالى - [00:14:12](#)

فتجد صلاة عشر سنين خمستاشر سنة عشرين سنة الصلاة باطلة غير مقبولة هتقول لأ ما ربنا هيغفر لي هقول لك طبعا مغفرة الله لك في علم الله. يعني انا مش مش بمان فيه ان يعني اكيد ربنا مش هيغفر لك. لكن لو انت مقصر في التعلم - [00:14:37](#)

يعني عرفت ان في درس علم فكبرت دماغك عشان دنيا عشان اي حاجة ايوة يعني انت ما بتحضرش دروس العلم ليه؟ انا قاعد على الفيسبوك. مش فاضي انا دروس علم ايه - [00:15:00](#)

يا حبيبي ده فيه فقه حد بيتكلم في الدين. حد بيقول لك حلال وحرام. آآ انا في النادي انا على التلفزيون قاعد قدام تليفزيون ويوم يجز يوم وسنة تجر سنة وبتكبر وبتقرب من الموت وبتموت - [00:15:11](#)

وما عرفتش ازاي تتوضا لو سألتك دلوقتي انا بكلمك انت ما لكش دعوة افصل نفسك كده عن الدنيا كلها. بسألك انت دلوقتي لو قلت لك دلوقتي اركان الوضوء ايه انا مش تحدي طبعا وما فيش حد يعني ما فيش حد هيرد لكن انا بقول آآ يا جماعة انا بوقفك على حقيقة نفسك - [00:15:28](#)

ايه اركان الوضوء؟ عارفين ايه ركن؟ ركن يعني لو لو فقد الوضوء باطل حضرتك تعرف اركان الوضوء ايه حضرتك تعرف شروط صحة الوضوء ايه حضرتك تعرف اركان الصلاة ايه ولو نسيت ركن تعمل ايه - [00:15:45](#)

انا بكلمك فيه دلوقتي بكلمك في عماد الدين الصلاة من اقامها اقام الدين ومن هدم من هدم الدين بكلمك في اللي النبي صلى الله عليه وسلم قال فيها العهد الذي بيننا وبينهم يعني بيننا وبين الكفار الصلاة - [00:16:07](#)

من تركها فقد كفر انت فعلا بنتكلم فين انت فاهم انت ممكن يوم القيامة تبقى في انهي حطة النجاة وربنا سبحانه وتعالى كده بقى مش انا بقى مش بكلمك. يعني خلي بالك احنا الاول ربنا هيضعف في ايه؟ في الفرائض - [00:16:23](#)

انت جاي بقى ايه مؤمل في في سنن وفي وفي عمرة وفي لكن ربنا بييجي يبص كده يقول لك انت ما لكش صلاة انت صلاتك كلها باطلة. ليه يا رب؟ اصل في ركن في الوضوء - [00:16:40](#)

انت كنتم بتعملوا غلط ما كنتوش بتعملوا اصلا ايه ده يا رب! ده لا انا كنت بتوضي والله لا في ركن ما كنتش بتيجي به. طب يا رب ما كنتش اعرف. ليه ما كنتش تعرف؟ فيه فرق ما بين يا جماعة واحد - [00:16:53](#)

ذهب ليتعلم وتعلم وفاته شيء يعني خلاص. يعني واضح لكن واحد مكبر دماغه الواحد ما يعرفش دين طب يا حبيبي تعال قرف ديني. لأ مش عاوز اعرف دي ده لسان حاله حتى لو قال بلسانه غير كده - [00:17:08](#)

لكن لسان حاله يعني احواله كده آآ دين ايه خلينا في الدنيا عارف عارفين الكلام ده اللي هو بقى وقت الله مش عارف الكلام اللي بيتقال ده يعني فين المشكلة؟ انت. اتعلم - [00:17:24](#)

ولذلك شوف اه مراسلنا في الزبد قال ايه ونيتهم والقول ثم العمل بغير وفق سنة لا لا تقبل وعشان بغير وفق سنتي لا تقبل دي هنعرفها ازاى بالعلم. قال من لم يكن يعلم ذا فليعلم - [00:17:39](#)

من لم يجد معلما من لم يكن يعلم ذا آآ فالايه؟ فليسأل من لم يجد معلما فليرحل يعني اللي ما يعرفش يسأل وده اللي النبي عليه الصلاة والسلام قاله انما الشفاء العاجل ايه؟ السؤال. جاني اسأل - [00:17:56](#)

طب مش لاقى حد اتعلم منه طبعاً زمان يعني يا جماعة والله يا جماعة يعني وسائل التواصل دي حجة عليك يوم القيامة يا جماعة انا عاوز اقول لكم حاجة بس - [00:18:17](#)

انت انت متخيل ان حضرتك دلوقتي العلم ببجي لك وانت قاعد على الكنبه في بيتك. وانت نايم على السرير في اوضة في اوضة نومك العلم ببجي لغاية عندك اوعى تفتكر ان الحياة السهلة دي - [00:18:29](#)

هتعدى كده هتسأل عن ده النبي عليه الصلاة والسلام لما خرج يوما جعان موشكيل في بيته. لقي ابو بكر معدي جعان وشقة في بيته لقي عمر معدي نفس الكلام الثلاثة ما عندهم اكل في البيت - [00:18:40](#)

صحابي استضافهم فقدم لهم ايه؟ تمر ومية باردة مية كده از كانه يعني ايه بيبردوها يعني مش باردة يعني ساقعة. لا يعني كانهم بيلفوها بحاجة المهم ايه يعني شوية كده - [00:18:57](#)

عمال يقول لهم ايه؟ عليه الصلاة والسلام. يقول ان هذا لهو النعيم الذي تسألون عنه يوم القيامة اشير الى قوله تعالى ثم لتسألون يومئذ عن النعيم. فانت كل حاجة فيها هتسأل عنها. انت عملت فيها ايه - [00:19:10](#)

فبرنامج الزوم ده اللي عليه درس علم ما اقصده انا اقصداي حاجة اليوتيوب اللي عليه دروس علم اي برنامج اي حد بيعمل لايف على الفيسبوك درس علمي وانت عرفت - [00:19:23](#)

وكبرت دماغك وليه علشان ولا حاجة. مش كبرت دماغك عشان انا مشغول بحاجة تانية لأ عشان احنا اعتدنا على ان احنا نبقي في مربع في خانة الولا حاجة. مطفيين دماغنا - [00:19:36](#)

مش عاوزين نشغل دي خلاص يوم القيامة هتسأل على ده انا ايه اللي ايه اللي جرتي للحتة دي يا جماعة؟ قولوا دراسيا الحقيقة انا مش محضر انا اقول الكلام ده بس قول الرسالان فعلا يعني لمس يعني قلبي دلوقتي. بيقول لك ايه بقى؟ بيقول لك من لم - [00:19:49](#)

كل يعلم من لم يكن يعلم ذا فليسألني من لم يجد معلما فليرحلي ده اللي كان زمان بيحصل يا جماعة مش لاقى حد يدريك دين في بلدك امشي وسب بلدك - [00:20:06](#)

ارحل سافر عشان تلاقي حد يعلمك دينك ده اللي كان بيحصل زمان. يعني هو وهو بيقوله هو مش آآ ما يقصده ان هو جامد يعني. احنا لو ما لقيناش هتهج. لا هو ده اللي كان بيحصل - [00:20:18](#)

واحد قاعد في قرية ما فيش حد يعلمهم دين مش هيعتق هيمشي ولو رحت اتكلموا في المسألة دي علماء الفقه بقى تكلموا اصلا في مسألة انك تقعد في مكان ما فيهوش حد لو احتجت فتوى تلاقيه تلاقيه عشان يفتيك - [00:20:29](#)

تكلموا في حكم المسألة دي. انت متخيل؟ لا ده النهاردة حضرتك بيأتيك العلم من الكوكب كله في اوضة نومك وانت على سريرك في الصالون وانت على الكرسي ومادد رجلك. العلم بيأتيك من الكوكب - [00:20:42](#)

انتم متخيلين يا جماعة احنا ناس كانت فين وبقينا فين طيب السهولة واليسر ده فاكره هيعدي كده؟ لأ هتسأل عنك عملت ايه انت بقى لما مسكت الجهاز لو مسكت التليفون - [00:21:00](#)

بتاعتك في الاكس كلها شكلها ايه افتح كده الهستري مسلا في اليوتيوب وافتح الهستري في اي حاجة بقى على البراوزر بتاع التليفون بتاعك على شكلها ايه ما هي دي صحيفتك يوم القيامة. يا جماعة احنا اللي بنكتب صحائفنا دلوقتي - [00:21:17](#) هو انت يوم القيامة كتابك اللي هتمسكه بيمينك ولا بشمالك ده هتلاقي فيه ايه ما هتلاقي فيه اللي حضرتك بتعمله دلوقتي دي اللي انت عاملها اللي معمول دلة في يوم القيامة - [00:21:36](#)

شكلها ايه بتدور على ايه على هيافة انا انا دلوقتي بقى ما يعني انا يعني انا متخيل يعني الناس اللي جت هنا اللي هو عدد آ قليل وانا عارف وانا عارف وعارف ان اللي هيجي كده يعني انا يعني ايه - [00:21:55](#) انا مش عايز ابقى واقف في الشارع اللي هو اسمه الفيسبوك ده واللي معدي لقي حاجة دخل لا فانا متخيل ان اللي جم دول مش بتكلم بقى في ان هنلاقي بلاوي يعني هنلاقي محرمات. وده مش معناه ان الناس يعني المتدين ما بيعصيش. لا ما اقصدش - [00:22:08](#)

اقصد ان حتى لو ده حصل ففيه استغفار منه وتوبة وندم. لكن انا عاوز انهكم حاجة احنا ممكن ما نبقاش واخدين بالناس منها يعني حتى المتدينين اللي هي ايه اللي هي الولا حاجة دي مصيبة والله كبيرة - [00:22:23](#) مصيبة الولا حاجة دي انا عاوز اقول لكم يمكن اه يعني مش اعظم يعني في الميزان من الذنب. لكن اعظم في خطورتها. ليه لان الذنب اهل الايمان قليلا ويقلقونه ويستغفرونه فيغفر الله لهم. والله غفور رحيم - [00:22:35](#) انما الولا حاجة دي انت بتعيش وتموت في الولا حاجة بتضيع عمرك ومش حاسس انك بتعمل حاجة غلط فدي مصيبة ليه؟ لانك مش هتتوب ولا هتستغفر. ولا هتقلع عن الولا حاجة - [00:22:51](#)

يعني اللي قاعد على اليوتيوب مسلا ليل نهار مشغل فيديوز بيتفرج على اي حاجة انا مش عاوز اقول حاجة معينة بعينها يعني لكن اي حاجة. اي حاجة مباحة مش بتكلم في حرام - [00:23:05](#) زمان من لم يجد معلما فليرحل لأ ده حضرتك النهاردة العلما العلما اللي هم علماء يعني انا انا الفاضي يعني اللي ما يعرفنيش بقى نتعود مع بعض على اني انا الفاضي دقيقة جدا لما بدخل في المسائل الشرعية فانا انا فاهم كويس قوي يعني ايه عالم ويعني ايه داعية ويعني - [00:23:17](#)

يعني ايه طالب علم ويعني ايه واعظ ويعني ايه واحد بيحكي حواديت فنقصد العلما العلما اللي هم علماء وطلاب العلم والدعاة والوعاظ كل دول فيديوهاتهم ودروسهم من ايد حضرتك وحضرتك اللي سبت كل ده - [00:23:34](#) ورحت لضياح وقتك وعمرك هتتسأل ما تجيش بعد كده تقول لي ان يوم القيامة والله عز وجل اعلى واعلم والله يغفر لمن يشاء. لكن يا جماعة احنا بتكلم في يعني ايه آ هل يستون اللي راح اتعلم - [00:23:52](#) وعرف دينه فعمل بما تعلم يستوي يوم القيامة واللي قضاها طناش بجيب وضوء غلط وصلاة غلط ومبهدل الدنيا مصيبة ولزلك ترك الاتباع هو طب انا احنا ليه اصلا يعني الواحد الواحد ما يتبعش النبي عليه الصلاة والسلام؟ احنا النهاردة بتكلم بنقول ايه؟ من عمل عملا ليس عليه امرنا فهو رد. طب هو ليه الواحد ما - [00:24:11](#)

حاجة من الاثنين يا اما حاجة كبيرة قوي كده مشكلة كبيرة في حياتنا اسمها شهوة يا اما مشكلة تانية كبيرة اوي في حياتنا اسمها شهوة دي او دي تخليك ما تتبعش النبي عليه الصلاة والسلام - [00:24:41](#) اه بالمناسبة قبل ما ابتدي الامسلة بتاعتني انا النهاردة مش جاي اتكلم في احكام فقهية. وعشان كده انا هتجنب خالص اني اكلكم في حلال وحرام انا هكلكم في حب او دليل حب - [00:24:55](#)

للنبي عليه الصلاة والسلام حضرتك مسلا عرفت ان صلاة الجماعة دي كانت عند النبي عليه الصلاة والسلام انا انا قلت لكم ايه مش هتكلم في حلال وحرام وحكمها ايه واجبة ولا شرط صحة ولا مستحبة مش بتكلم في ده - [00:25:15](#) النبي عليه الصلاة والسلام لو انت رجل يعني مش مش امرأة صلاة الجماعة دي كانت عنده حاجة كبيرة جدا لدرجة ان النبي عليه الصلاة والسلام اه هو في حد بيقول لي لو ممكن الصوت يعلى شوية - [00:25:29](#)

آآ لو لو حد ثاني بس يكتب لي آآ في الشات كومت يعني لو يعني الصوت كويس يا جماعة ولا هي المشكلة عندي ولا عند الصوت تمام. لأ يبقى المشكلة عندك بقى انت - [00:25:46](#)

طيب يعني كذا حد خلاص كده كتب لي واحد. آآ ماشي هو كل الصوت آآ الصوت عنده كويس اه انت قولي بقى اه انت عرفت لو انت رجل ان النبي عليه الصلاة والسلام صلاة الجماعة دي كانت عنده حاجة عظيمة جدا وان يكفي - [00:26:01](#)
انتم عارفين يا جماعة اخر ابتسامة اخر ضحكة. بصي يا بط عن النبي عليه الصلاة والسلام قبل موته اخر ضحكة اثرت عنه يعني ربما ضحك بعد ذلك انما اخر ضحكة مأسورة مروية - [00:26:24](#)

النبي صلى الله عليه وسلم لما كشف اشتد به المرض جدا لدرجة ما بقاش قادر بيصلي فكشف ستر حجرته فوجد المسلمين يصلون صلاة الجماعة فابتسم عليه الصلاة والسلام هتفوت صلاة جماعة انا دلوقتي ثاني ما بقولش ايه الحكم - [00:26:42](#)
انا بكلمك ايهما المحب عرفت النبي صلى الله عليه وسلم مثلا كان ملتحي يا مربي لحيته فبكل بساطة كده تقف قدام المراية وتحلق دقنك انا انا بكلم انا بكلم واحد بيحب دلوقتي - [00:27:05](#)

خلاص زي ما قلت لكم تعامل ما تدخلش في الاحكام الفقهية وحكمها ايه وكده طيب ليه؟ ليه بقى انت عرفت ان صلاة الجماعة مسلا كده وصلاة الجماعة مش قادر يعني ايه ما - [00:27:27](#)
اول لحية او كده او اي حاجة من الحاجات دي اجي اقول لك طب انت ليه ما بتعملش ده؟ فلو قلت بقى لو كان ردك بينك وبين نفسك مش يعني - [00:27:44](#)

والله انا بكسل يبقى هنا ايه مشكلتك؟ ليه ما اتبعتش عشان الشهوة شهوة ايه؟ انك شهوة ادعى الراحة اللاتخة يعني بتحب تأتخ او آآ يا فلانة انت عرفت النبي صلى الله عليه وسلم امر بالحجاب الشرعي - [00:27:53](#)
انك آآ انك ما تصحيش الرجال مثلا امر ان وهكذا. طيب انت ليه ما ما عملتيش ده؟ فكم ردك مسلا والله عشان شكلي يبقى حلو هنا مشكلتك فين؟ شهوة - [00:28:12](#)

خلاص؟ اه اصل شوية وقت يا جماعة مش ملتزم بشهوة يعني رجل وامرأة يعني مش دي الشهوة اللي في الدنيا. لا في شهوات تانية دي شهوة ان واحد يحب يبقى شكله شكله حلو. دي شهوة - [00:28:27](#)
واحد يحب يبقى الواطي للجو شهوة واحد بيحب الراحة دي شهوة المهم يعني عندنا مشكلة كبيرة قوي في حياتنا اسمها شهوة يخليك ما تجتمعش عندنا مشكلة تانية طب المشكلة الثانية ايه هي؟ الشبهة. يعني ايه شبهة - [00:28:37](#)

يعني مسلا هاجي اقول لك آآ واحد بيتمسح بالاضرحة ويقعد يايه آآ يدعو الناس الميته دي فبتيجي تقول له يا فلان انت بتعمل كده ليه فيقول لك ده ربنا قال الا ان اولياء الله لا خوف عليهم ولا هم يحزنون - [00:28:56](#)
ده ايه مشكلته؟ ده ما عندوش شهوة دلوقتي لكن عنده شبهة فما اتبعش النبي عليه الصلاة والسلام فين شبهته؟ شبهته انه فهم اية غلط واضح؟ فدي تخليه يعمل حاجة اسمها بدعة. واكيد كلنا ايه الكلمة دي عدت علينا وممكن دلوقتي نفصل فيها شوية - [00:29:20](#)

ايه اللي وقع؟ او ايه اللي خلاه ما يتبعش مش شهوة بقى شبهة علاج الاولى بايه وعلاج الثانية بايه عاوز ابقى متبع انا خلاص عرفت ان لازم ابقى مخلص واتكلمنا عن الاخلاص اللي ما سمعش - [00:29:37](#)
درس الاخلاص يسمعه على اليوتيوب. مهم جدا جدا هتلاقوه باسم آآ زي ما نعمله بالنيات. ده درس الاخلاص. على اليوتيوب اه خلاص انا مخلص وده شرط اهو حقيقته شرط الاتباع عاوز ابقى متبع. ليه ما بتبعش - [00:29:49](#)

عرفت ان ممكن يبقى عندي شهوة وعرفت ان ممكن يبقى عندي شبهة. طب لو عندي شهوة اعالجها بايه؟ تعالجها بانك تزود من ايمانك زود من ايمانك ليه كل ما يزيد ايمانك هتبتدي - [00:30:07](#)
بيحبوا ربنا زيادة وتحط الدنيا في حجمها اللي ربنا خلقها عليه ما تعظمهاش اوي ما تعزمش الناس ولا رؤية الناس لك احنا درس الاخلاص حتى ساعتها قلنا ايه؟ قلنا ايه؟ ان يستوي عندك - [00:30:22](#)

الناس والبهائم انسان شايفك اكني ما فيش حد شايفك. ليه انا بعامل ربنا سبحانه وتعالى انت لو وصلت للحتة دي شهوة ايه اللي هتخليك ما تتبعش شهوة ايه يبقى علاج دي انك تزود ايمانك - [00:30:33](#)

كن من الايمان عشان كده النبي صلى الله عليه وسلم بيقول الكلام ده حتى يعني في كن من الايمان في مزيدي وفي صفاء القلب ذات جديد كثرة الصلاة والطاعات وطبت مال النفس من شهواتي - [00:30:50](#)

شهوة النفس مع الذنوب موجبتان قسوة القلوب. وان ابعد قلوب الناس من ربنا الرحيم قلب قاسي يبقى ده علاج الشهوة. تزود ايمانياتك. ازود ايمانياتي ازاي؟ هو قال اهو بكسرة الصلاة والطاعات وترك مال النفس من شهواته - [00:31:01](#)

التزود في العبادات يحضر مجلس علمي يا جماعة المجلس اللي احنا فيه ده من بركاته انك تتنزل عليه السكينة وتحفه الملائكة ويذكرك الله فيمن عنده. طيب واحد دخل وهو ولا في دماغه الدرس ولا حاجة ده هو دخل - [00:31:17](#)

وشف يعني واحد صاحبه قال له تعال فدخل تخيلوا حتى ده ربنا سبحانه وتعالى لما يغفر لاهل مجلس زي ده او غيره يعني انا مش بدعو لمجلسي. انا بقول لك يعني ده حاجة من الحاجات - [00:31:33](#)

ده بيقول للملائكة يعني ايه اشهد اني قد غفرت لهم فتقول الملائكة هيربي فيهم فيهم فلان لم يأت الا لحاجة يوم واحد قاعد ده جاي عشان مصلحة ربنا سبحانه وتعالى يقول ايه؟ هم القوم لا يشقى بهم جليسهم. يا الله - [00:31:45](#)

شوفوا يا جماعة احنا بنسب صعبة شكلها ايه ونروح للصعبة شكلها ايه صعبة النواصي وصعبة النوادي وصعبة مجالس العمل اللي كلها غيبة ونميمة وتنافس على دنيا وده بيكثر في النساء موضوع الغيبة - [00:32:05](#)

دي من الكبائن يا جماعة توبة توديك في داهية وساييين صعبة شكلها ايه بقى؟ هم القوم لا يشقى بهم جليسهم مجرد انك تقعد في وسطهم ينالك من بركاتهم. حتى لو انت مش منهم - [00:32:23](#)

حتى لو جاي لحاجة يعني احضر لي قصة اه الشيخ آآ الشيخ الشيخ عطية محمد سالم رحمه الله هو مصري وكان انجب تلاميذ آآ الشيخ الشنقيطي رحمه الله آآ بدايته عجيبة - [00:32:40](#)

بدايته انه يا جماعة كان كان معدي ومش جاي هو ما كنش ده كان مسافر يشتغل لا علم ولا درس ولا درس قعد ففتح الله عز وجل قلبه للعلم - [00:33:03](#)

عارف ان في حاجة اسمها علم فقعد وخلاص استمر في ده وبقي من من انجب تلاميذ الشيخ ورحمة الله ده الشهوة. نعالج الشهوة ازاي؟ زود ايمانك يبقى لو عندك مشكلة الاتباع في الشهوة - [00:33:19](#)

لو آآ لقيت نفسك انا ما بعملش للنبي يعني بعرف ان النبي قال كذا عليه الصلاة والسلام. وما بعملوش. ففتش لي في نفسك مش حاسس ان انا عندي القوة اني اعمله بصراحة - [00:33:38](#)

ما انت مشكلتك في الشقة اعالجها ازاي؟ زود ايمانك زود صلاتك ادعي ربنا قم الليل استغفر من ذنوبك وهكذا. ربنا هيفتح عليك. طيب عندي مشكلة ثانية بقى وهي شبهة ودي اخطر يا جماعة. في دي اخطرها - [00:33:49](#)

لان صاحب الشبهة ده ما يببقاش عارف انه غلط ودي المصيبة عشان كده العلماء لما جم يعدوا المشاكل قال لك الشيطان لما يجي يوقعك في حاجة. ودي مهمة قوي ركزوا فيها - [00:34:05](#)

الشيطان انا انا بكرر يا جماعة كلام كثير كل مرة علشان يعني من الكلام اللي بيكرره دايمًا بقول لك خلي الدرس ده معلش يعني. تعال على نفسك يعني ما تخلعوش درس وانت قاعد بتاكل ولا قاعد بتشرب ولا انت وانت واقفة في المطبخ - [00:34:16](#)

معلش فرغ نفسك كده شوية لان انا بحاول يبقى كلامي مركز فالكلمة اللي بتفوت بيفوت فيها معاني ففرغ نفسك لله مش ده امجد. فرغ نفسك لله سبحانه وتعالى. فرغ نفسك لنفسك لنجاة نفسك - [00:34:29](#)

الشيطان عاوز منك ايه؟ عاوز منك انه يلبسك في حيلة يوديك في داهية اه بس هو له دركات كده يعني ايه اه مش كل حاجة زي بعضها عند الشيطان هو عايز يوقعك في حاجة ما قدرش ينقل على اللي بعديها. لو قدر يوقعك فيها مش هينقل على اللي بعديها. هيووقعك في دي - [00:34:45](#)

الشیطان الشیطان عاوز منك ایه؟ اول حاجة وقعت في الشرك بالله. لو قعدت دي خلاص يرتاح منك. انت سبت الدين كله. فانت

مخلد في النار. عیاذا بالله مش انت یعنی - [00:35:02](#)

الشخص اللي هو عایز یقع ما قدرش یوقعك في الشركة وقعك في البدع وبعدين نكمل بس عشان ایه وقعك في بدعة. لو قدر معك

في البدعة هو هیفضل یلح علیك في البدعة دي - [00:35:11](#)

ما قدرش یتنقل لبعديها لایه؟ قالوا الكبيرة ما قدرش الصغائر ما قدرش یشغلك بالمفضول عن الفاضل لازم نفهم دي الشركة واضحة

البتعة بقى اللي احنا لسه بنقول علیها اللي هو انك ما تتبعش النبي علیه الصلاة والسلام لشبهة - [00:35:22](#)

وتقع في البدع یعنی ایه بدع؟ یعنی تبتي تعبد ربنا بعبادات ربنا ما یقبلهاش. یا ریت یا جماعة یا ریت المشكلة ان ربنا مش هیقبل

وبس. لا لن تأثم على فعل هذه العبادة - [00:35:38](#)

واضح طيب فشوفتوا بقى خطر البدعة ان الشیطان عاوزها منك قبل الكبيرة قبل الكبيرة لان صاحب البدعة صاحب البدعة یبعد انه

یتوب منها بخلاف صاحب الكبيرة انت لو جيت یعنی انت لو جيت لواحد مسلا بیشر بخرم دلوقتي - [00:35:56](#)

وقلت له یا فلان اتق الله هیقول لك ایه؟ هیقول لك ایه ده یعنی ربنا یتوب علی. مش هیقاوحك. مش هیقول لك ایه مش هیقول لك

مش هیقول لك الخمرة حلال مسلا - [00:36:17](#)

لأ لك یعنی ربنا یتوب علی حتی لو قال لك یا عم سبني في حالي ولا مش عارف فهو عارف من جواه ان هو بیعمل حاجة غلط لكن لو

جيت لواحد مسلا بیذبح لغير الله واحد بیذبح للحسين - [00:36:30](#)

یصرف عبادة لغير ربنا واحد بیذبح للحسين مسلا وجيت قلت له حاجة ممكن یقتلك لیه؟ لان هو شایفك بتنهاء عن ایه؟ عن الدين عن

دين وده یصعب یبعد انه یتوب من اللي بیعمله - [00:36:43](#)

فهمتوا دي یا جماعة طيب وبعدين كبيرة وبعدين صغيرة اخر واحدة بس یعنی نقف علیها شوية لانها لها علاقة بالدرس اللي فات. انه

یشغلك بالمفضول عن الفاضل لیه بشغلك بالمفضول على الفاضل؟ یعنی خلاص یأس منك. الشیطان لا عارف یخلیک تشرك بالله. ولا

عارف یوقعك في بدعة ولا كبيرة ولا صغيرة. یسببك لا ما یسیبک - [00:37:02](#)

عارف یعمل لك ایه؟ یأمرک بطاعة ایه الشیطان یأمرني بالطاعة؟ اه یأمرک بالطاعة. ده لو یأس منك یعنی خلاص؟ ولو نجح في دي

یبقى نجح في حاجة ازاى امی بطاعة؟ یأمرک بطاعة عشان تسبب طاعة تانية اكبر - [00:37:20](#)

واثوب ودي مش ای حد ینجو منها یا جماعة. انا وجيت قلت لك النهاردة طبعاً دي مش الكلام مش لنا احنا لان احنا ناس غلبة. لكن

لكن تعال كده الدقيقة دي الاحسن تعمل فیها كذا ولا كذا - [00:37:34](#)

وكم ان ساعة من دلوقتي لاحسن تعمل كذا ولا كذا ووقت الشروق الاحسن تعمل كذا ولا كذا ولا كذا. عبادات عمال احكي لك

عبادات. هتختار ایه؟ ما هو الوقت ضيق - [00:37:49](#)

یعني كل وقت ما یسعش كل حاجة دي مین اللي ینجو منها؟ ده لازم بقى واحد وصل لمرتبة في العلم انه عارف كل وقت ایه اللي

یتعمل فیها؟ ودلوقتي ولذلك یا جماعة الصحابة فهموا دي - [00:38:01](#)

ولذلك تجد كتير السؤل ده یقارن ما احب الاعمال الى الله ده سؤل واحد فهم حاجتين اول حاجة فهم ان اه ان عمره قصير ان

الوقت قليل وده اتكلما علیه المرة اللي فاتت - [00:38:16](#)

اللي عاوز یغتنيه باکبر قدر ممكن عشان یخرج باکبر ربح تاني حاجة فهم اللي احنا بنقوله دلوقتي ان انا مش عاوز انشغل بمفضول

عن فاضل انا عاوز احسن حاجة ما احب الاعمال الى الله؟ انا عاوز احسن اعلى حاجة - [00:38:30](#)

عشان اما اعملها اخذ اكبر سواب فهمتوا دي نرجع تاني للتابع بقى. ایه اللي بیخلیک ما تتبعش؟ شهوة علاجها الايمان تزود ايمانیاك

شبهة علاجها انك تتعلم دينك تتخلص من شهوة من الشبهة فترجع الى حظيرة الاتباع - [00:38:45](#)

رجعت بقى الى حظيرة الاتباع نرجع بقى للحديث كل امتي یدخلون الجنة الا من ابى. یبقى انت كده ماشي في سكة دخول الجنة.

لانك متبع للنبي علیه الصلاة والسلام خلي بالکم - [00:39:07](#)

الشیطان لما ییجی یوقعک فی البدعة او او ییجی یعنی ینال من حنة الاتباع دی مش کلنا زی بعض ده ممکن یخلیک یعنی انت کأن الواحد دلوقتی فی دماغه دایما التفریط یعنی ایه؟ ان هیقعدنی عن العبادة - [00:39:21](#)

هیا اصرفنی عن الطاعة لأ ده ممکن العکس ممکن العکس یخلیک تزود والزیادة دی تبقی هی الی غلط زی التلاتة الی بیقول للنبی علیه الصلاة والسلام. هی مشکلتک كانت فین؟ قالوا یعنی قالوا ایه؟ انا مش هاقوم اللیل والتانی قال انا مش هاصوم خالص والتالت قال انا هاقضیها آآ زواج - [00:39:36](#)

لأ ده قالوا العکس دول زودوا ولزک انت لازم تبقی عارف بقی الحدود الحدود انا هقف فین وایه الی مسموح لی فیه انی ازود وایه الی مش مسموح لی فیه انی ازود ولو زودت هتبقى مشکلة والمشکلة دی - [00:39:56](#)

انا بکرر بقی الکلام ده مهم. مش المشکلة ان انا مش هیقبل العمل بس. یا ریت كانت علی کده یا ریت كانت علی کده. ده دی هتبقى مصیبة تانیة ان انت ضیعت وقت علی الفاضی. لکن یا ریتها تقف علی کده. لأ - [00:40:10](#)

ده هیبقى علی. یعنی هی یوم القیامة الاقی العمل ده فی میزان سیئاتی لیه؟ لانی ترکت الاتباع فخرجت عن حدود السنة الی حدود البدعة دی یا جماعة فی علاجها بالعین - [00:40:22](#)

طیب یعنی احنا نعمل ایه؟ من الآخر کده. عشان ما نطولش بقی من الآخر نزود ایماننا بایه زی ما قلنا بالطاعات بحضور حلق الذکر ومجالس الوعظ ومجالس التذکیر بالله عز وجل - [00:40:40](#)

یکون لک کده ورد ثابت قرآن ورد ثابت سماع دین ربنا سبحانه وتعالی الی هی مجالس الحاجات الی بتمس القلوب تخلص من حنة الشهوة دی تانی حاجة تتعلم دینک بقی. ودي مجالس علم، دی مجالس تانیة خالص - [00:40:57](#)

خلي بالکم فی مجالس تانیة خالص غیر الی احنا بنعمله هنا ده فی مجالس علمی بقی. یعنی تعرف انا ازای اتوضأ ازای اصلي؟ ازای اصوم؟ احنا ان شاء الله هنبدأ فی الدرس ده - [00:41:13](#)

یعنی مم یعنی انا کل مرة کنت ببقى ایه مرتب انی ممکن اخذ فی الآخر عشر دقائق ولا حاجة نتکلم ازای ازای تتوضی ازای تصلي. بعد کده ندخل فی فقه الصیام عشان رمضان - [00:41:25](#)

ده کله کده فرع واحد من فروع الدین. کل مربی عاوز کده والدرس بیاخذنا بس لعله خیر واحد من فروع الدین بنسمیه ثقة ندخل بقی فی العقیدة ایه هو مین مین ربنا ده سبحانه وتعالی - [00:41:35](#)

وايه صفاته وایه الی یجوز علیه وایه الی یمتنع فی حقه سبحانه وتعالی مین هو النبی؟ علیه الصلاة والسلام. وایه حقوقه علینا؟ مین هم الملائكة آآ ایه هو القضاء والقدر - [00:41:48](#)

ایه الجنة والنار؟ دی یعنی الغیبیات یعنی؟ ده ده فرع تانی فی الدین. نسمیه فرع الاعتقاد. فتعرف عقیدتک بالمناسبة الفرع ده بیرد علی ثلاث اسئلة مصیریة فی حیاتک فی حیاتک الی بجد مش الحیة دی - [00:42:04](#)

حیاتک الی بجد مش دلوقتی. احنا یا جماعة احنا فی حلم الحلم احنا نایمین وبنحلم ما تصحی علی فین علی الحیة الحقیقیة الی هی جنة ونار وخلود هی دی حیاتک - [00:42:23](#)

وربنا سماها کده سماها حیوان. یعنی الحیة الحقیقیة. ماشی؟ وان الدار الآخرة لهی حیوان یعنی الحیة الحقیقیة ایه اهم ثلاث اسئلة بقی یهموک علی الاطلاق من ربک ما دینک ماذا تقول فی الرجل الذی بعث فیکم - [00:42:38](#)

دول ثلاث اسئلة خلاص الثلاث اسئلة دول من ربک؟ ربي الله. ما دینک؟ دینی الاسلام؟ ما تدخل فی الرادیو لازم بوحشة فیه؟ الثلاث اسابيع دول هتسألهم انت هتسألهم فی القبر - [00:43:01](#)

انا مش مش هطول فی الحنة دی لکن هقف علی لفظ فی الحدیس ده یمکن کثیر ما یاخذش باله النبی صلی الله علیه وسلم قال اما المؤمن فیقول ربي الله دین الاسلام والرجل الذی بعث فینا هو محمد علیه الصلاة والسلام - [00:43:12](#)

واما المنافق او المرتب فیقول الكلمة الی جاية دی انا الی هقف معها بس. فیقول ها ها لا ادري سمعت الناس یقولون شیئا فکنت اقول ها ها یعنی عاوز تقول ایه - [00:43:24](#)

اقول لك رايح رايح امتحان خلاص انت طالع امتحان مذاكرة المنهج ما عدا حنت في المنهج. مش ما تعرفوش اصلا انت دخلت الامتحان فلقيت مسلا اربع اسئلة من الحنة اللي انت مزاكرها حليتها ولقيت سؤالين مش من حنة المذاكرة فطبعاً زعلان انك ما عرفتهاش خلاص كده؟ انسى السيناريو لا سيناريو ثاني بقى - [00:43:42](#)

حضرتك مزاكر ورحت الامتحان ودخلت ولقيت سؤال السؤال ده تمسكه لكن نسيته انهى حصة اكبر؟ حسرتك وندمك على اللي انت ما زاكرتوش ولا ندمك وحسرتك وتبقى متضايق اكثر لو حاجة مزاكرها ونسيته - [00:44:06](#)

الثانية اللي هو بتقعد بقى ايه يعني ده انا مزاكره هي دي كلمة هاء هاء. يا جماعة اللي مش هيجابو ده مش واحد ما يعرفش الاجابة اللي مش هيجابو واحد معش بالاجابة - [00:44:27](#)

الاجابة مش سابتة فهمتوا دي الرجل ده بيقول كانه عارف حاجة كانه سمع حاجة كانه قال حاجة اصلا في يوم من الأيام لكن ما عاشهاش ما كتش قضية حياته اصلا - [00:44:45](#)

ازاي بقى نجابو على التلات اسئلة دول تبقى قضية تبقى قضيتك؟ انت قايم نايم بتحلم بدينك بتحلم التلات اسئلة دول. هو ده الامتحان الحقيقي يا جماعة لو عندك انترفيو ولا عندك امتحان سانونية عامة ولا - [00:45:04](#)

يعني حاجة مصيرية في الدنيا يعني يتوقف عليها حاجة كبيرة في حياتك في الدنيا تخيل احوالك واضطراب قلبك وقلبك بيدق يا جماعة ده فيه تلت اسئلة مربعين هيتسألوا لنا وفي ناس هتقول ها ها في ناس هتبقى عارفة الاجابة بس مش فاكراها - [00:45:22](#)

عش للتلات اسئلة دول طيب يبقى عندك مجالس علم بقى لازم يبقى لك مجالس علم تسمع مجالس علم تسمع فقه. تسمع عقيدة اقل شيه ما لا يسع المسلم جهله. انا مش بقول لك تبقى عالم. مش بقول لك تبقى طالب علم. مش كل الناس مطلوب منها ده - [00:45:42](#)

لكن على الاقل ما لا يسع المسلم جهله ما ينفعش ما تبقاش تعرف تتوضا ولا بتعرف تصلي ولا بتعرف تصوم ولا عارف ايه هي مبطلات الصوم هو انا عارف ايه هي مبطلات الصلاة - [00:45:58](#)

ما ينفعش. ما ينفعش مسلم يبقى مش عارف ده. ومع يعني انا مش بكلم بقى الناس الكبيرة اللي ابتدى الشاي بيظهر عندهم زي حالاتي كده. انا بكلم كل بالغ يعني لو حضرتك ولا حضرتك عندك اتناشر سنة وتلتناشر سنة وبلغت او ناهزت البلوغ قربت تبلغ لازم تعرف حاجات انا بقولها دي - [00:46:08](#)

مش رفاهية مش رفاهية يعرفوا على اي قول حتى لما نيجي نبتدي ننشر فقه. هنرد على قول. الفقه مليون اقوال. طيب مش عاوز عرفنا ازاي نعالج. اخر حاجة بسرعة في دقيقتين هقولها - [00:46:27](#)

نتكلم عن البدع يا جماعة ودي برضو اللي علينا نتكلم عنها بعدين بس هيبقى بعد رمضان لو يعني ايه قدر الله عز وجل ذلك بلاش ندخل في خناقات في موضوع البدع دي في الحاجات اللي وسعت السلف - [00:46:40](#)

يعني ايه يعني الفقهاء فيه مسائل كتير جدا بيختلفوا فيها في حكمها ممكن يوصلوا لواحد يقول ان هي مشروعة والتاني يقول غير مشروعة يعني عكس بعض تماما فاللي هيقول لك ايه المشروع ممكن يقول لك انها بدعة. واللي هيقول لك انها مشروعة يقول لك اعملها - [00:46:52](#)

وهو خلاف بين السلف ووسعهم فليسعنا الخلفانية سعنا يعني اعملها ولا ما اعملهاش؟ انت خد بقول من تسق في علمه ودينه لكن بلاش تنكر بلاش تنكر يعني بلاش تلاقي واحد بيعمل فتقول له انت جاهل وما بتفهمش حاجة. لغاية ما تتعلم دينك كله على بعضه كده وتبقى فاهم رتبة الخلاف في المسألة دي. ينفع انكر فيها ولا ما ينفعش لان مش كل - [00:47:08](#)

فيها خلاف ينفع تنكر فيها ولا كلها ما تنكرش دي مسائل كبيرة بس ده مش وقتها. بس انا بقولها عشان بتعمل مشاكل عند الناس ما اظنش في اسئلة النهاردة اه طيب - [00:47:27](#)

نقف هنا وبحمدك نشهد ان لا اله الا انت استغفرك ونتوب اليك. السلام عليكم ورحمة الله وبركاته - [00:47:39](#)